

Na osnovu člana 115. stav 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), na prijedlog Federalne direkcije robnih rezervi, Vlada Federacije Bosne i Hercegovine, na 77. sjednici održanoj 10.07.2013. godine, donijela je

ОДЛУКУ

О ДАВАЊУ НА КОРИШТЕЊЕ ОБЈЕКТА "МАТРЕЗ" ВИСОКО ФЕДЕРАЛНОЈ ДИРЕКЦИЈИ РОБНИХ РЕЗЕРВИ

I

Складиште "Матрез" Високо, површине 24 012 м² третирано као к.ч 612 уписано у ЗК уложак 224, К.О. Алаудин и к.ч. 632 уписано у ЗК уложак 225, К.О. Алаудин даје се на кориштење Федералној дирекцији робних резерви.

II

Задужује се Служба за заједничке послове органа и тијела Федерације Босне и Херцеговине да записнички изврши предају некретнине из тачке I ове одлуке Федералној дирекцији робних резерви и сачини уговор којим ће се уредити питање начина кориштења наведене некретнине.

III

Ова одлука ступа на снагу наредног дана од дана објављивања у "Службеним новинама Федерације БиХ".

В. број 711/2013

10. јула 2013. године

Сарајево

Премијер

Нермин Никшић, с. р.

1258

Na osnovu člana 19. stava 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 78. sjednici, održanoj 18.07.2013. godine, donosi

ОДЛУКУ

О ОДОБРАВАНЈУ ИЗДВАЈАЈА СРЕДСТАВА ИЗ КОМИСИОНИХ СРЕДСТАВА ВЛАДЕ ФЕДЕРАЦИЈЕ БОСНЕ И ХЕРЦЕГОВИНЕ И ОДОБРАВАНЈУ КРЕДИТА ПД ТЕРМИНАЛИ ФЕДЕРАЦИЈЕ Д.О.О. САРАЈЕВО

I.

Iz sredstava prikupljenih na računima Projekta Lokalnog razvoja i Kreditne linije "Lokalni razvoj" - revolving-komision, odobravaju se kreditna sredstva PD "Terminali Federacije" d.o.o. Sarajevo u iznosu 2.200.000,00 KM, i to u namjenu finansiranja:

- izrade Glavnog izvedbenog projekta sanacije terminala,
- djelimične sanacije terminala Živinice i Blažuj (Sarajevo),
- tekućeg poslovanja.

Iznos sredstava za tekuće poslovanje ne može preći iznos 20% odobrenog kredita.

II.

Kreditna sredstva iz tačke I. odobravaju se na rok od 36 mjeseci, što uključuje grace period od 12 mjeseci.

III.

Kamatna stopa za kreditna sredstva iz tačke I. iznosi 5% na godišnjem nivou.

Isplata sredstava će se vršiti sukcesivno, po osnovu naloga PD "Terminali Federacije" d.o.o. Sarajevo.

IV.

Sredstva obezbjeđenja kredita iz tačke I. su:

- mjenice korisnika kredita.

V.

Razvojna banka Federacije Bosne i Hercegovine će sa PD "Terminali Federacije" d.o.o. Sarajevo zaključiti ugovor o kreditu po stupanju na snagu ove odluke.

VI.

Naplaćena sredstva po osnovu kredita iz tačke I. ove odluke, usmjeravat će se na račun Kreditne linije "Lokalni razvoj" - revolving-komision.

Razvojna banka Federacije Bosne i Hercegovine će pokretati pravne radnje radi prinudne naplate kredita iz tačke I. ove odluke, primjenjujući svoje politike i akta.

Razvojnoj banci Federacije Bosne i Hercegovine pripada naknada za obavljanje komisijonog posla u visini 20% naplaćene ukupne kamate po kreditu iz tačke I. ove odluke.

VII.

Ova odluka stupa na snagu narednog dana od dana objave u "Službenim novinama Federacije BiH".

V. broj 713/2013

18. jula/srpnja 2013. godine

Sarajevo

Премијер

Нермин Никшић, с. р.

FEDERALNO MINISTARSTVO PRAVDE

1259

Na osnovu odredbi člana 127. stav 2. Zakona o notarima ("Službene novine Federacije BiH", broj 45/02), a na prijedlog Notarske komore Federacije Bosne i Hercegovine, Federalno ministarstvo pravde utvrdilo je slijedeću

TARIFU

O NAGRADAMA I NAKNADAMA NOTARA

A. OPĆI DIO

Predmet Tarife

Član 1.

Ovom Tarifom o nagradama i naknadama notara (u daljnjem tekstu: Tarifa) propisuje se način vrednovanja notarskog posla i obračunavanje nagrade za rad notara i naknade troškova notara u vezi s obavljenim radom. Prema ovoj Tarifi vrednuju se poslovi propisani Zakonom o notarima.

Notarska nagrada i naknade

Član 2.

- (1) Notaru pripada i notar je obavezan obračunati nagradu za svoj rad i naknadu troškova u vezi s obavljenim radom u visini i na način reguliran ovom Tarifom.
- (2) U nagradi za notarski posao iz prethodnog stava ovog člana vrednovani su pripremni poslovi, koji su povezani s notarskim poslom (savjetovanja sa strankom i drugim sudionicima u poslu, sastav, čitanje i obrazloženje notarske isprave), kao i drugi poslovi i naknade u skladu sa ovom Tarifom.

Osnovi za određivanje nagrade

Član 3.

Nagrade za notarski posao po ovoj Tarifi određuju se:

- prema vrijednosti predmeta pravnog posla ili druge službene radnje;
- prema utrošenom vremenu za pripremu i obavljanje određene službene radnje;

- u stalnom (fiksnoj) iznosu, bez obzira na vrijednost ili vrijeme potrebno za poduzimanje određene službene radnje.

Određivanje nagrade i naknade

Član 4.

- (1) Vrijednost predmeta i nagrada za notarski posao iskazana u konvertibilnim markama (u daljem tekstu: KM), nalazi se u posebnom dijelu Tarife i čini njezin sastavni dio.
- (2) Pored nagrade za obavljene posao, notar je dužan da obračuna strankama i nastale troškove shodno odredbama ove Tarife te propisani porez na dodatnu vrijednost.

Obavezna primjena Tarife i ništavnost dogovora

Član 5.

- (1) Notar je dužan da primjenjuje ovu Tarifu u svakom pojedinačnom slučaju.
- (2) Zabranjeno je ugovaranje nagrade za obavljene posao ili naknade troškova u iznosima višim ili nižim od iznosa propisanih ovom Tarifom.
- (3) Dogovor o visini nagrade koji bi notar sklopio i obračun nagrade i naknade troškova u suprotnosti s odredbama ove Tarife je ništav, a notar čini povredu službene dužnosti iz člana 120. stav 1. tačka 3. Zakona o notarima.

Nevažecé i neupotrebljive isprave

Član 6.

Za notarsku ispravu za koju se utvrdi da je zbog greške u obliku ili krivicom notara nevažeca, a prijepisi, potvrde i ovjere neupotrebljivi zbog formalnih nedostataka za koje je odgovoran notar, nagrada se ne plaća, a već plaćenu nagradu notar je dužan vratiti.

Dužnost plaćanja nagrade i naknade

Član 7.

Ako je više stranaka sudjelovalo u sklapanju pravnog posla pred notarom ili je notar izvršio jednu radnju za više stranaka, sve te stranke solidarno duguju nagradu i naknadu troškova notar, ako se stranke drukčije ne dogovore.

Plaćanje nagrade, naknade i akontacije

Član 8.

- (1) Notar ima pravo na nagradu neposredno nakon obavljenog posla.
- (2) Obveznik plaćanja notarskog posla dužan je plaćati notar uslugu prema Tarifi koja je na snazi u vrijeme kada je notar posao obavio.
- (3) Notar može zahtijevati da mu stranka kod narudžbe posla plati odgovarajuću akontaciju za potrebne izdatke i troškove, te za nagradu u iznosu do 50% očekivane nagrade.
- (4) Ako akontacija nije plaćena odmah ili u roku koji odredi notar, notar je dužan obaviti posao tek nakon prijema akontacije.

Dužnost plaćanja troškova svjedoka te troškova i nagrade sudskog tumača/vještaka

Član 9.

Sudionici notarskog posla dužni su pored notarske nagrade i naknade platiti i troškove svjedoku i sudskom tumaču, te nagradu koja pripada sudskom tumaču/vještaku, ukoliko učestvuju u notarskom poslu.

Predaja dokumentacije i obračun

Član 10.

- (1) Notar je ovlašten i dužan predati stranci ili drugim sudionicima notarsku ispravu odnosno otpравke i prijepise, potvrde, ovjere, te ostale isprave namijenjene strankama i

sudionicima tek nakon što su troškovi, izdaci i nagrade plaćeni u cijelosti.

- (2) Notar je obavezan stranci izdati specificiranu potvrdu/račun o plaćenju nagrade i naknadi troškova u skladu sa propisima.

Izmirenje spora mirnim putem

Član 11.

Ako stranka smatra da notar nije pravilno obračunao nagradu prema ovoj Tarifi, ona ili notar mogu zahtijevati rješavanje spora mirnim putem od nadležnog organa Notarske komore.

Stupanje na snagu

Član 12.

- (1) Ova Tarifa o nagradama i naknadama notara stupa na snagu osmog dana od dana objave u "Službenim novinama Federacije BiH".
- (2) Stupanjem na snagu ove Tarife prestaje da važi Privremena Tarifa o nagradama i naknadama notara ("Službene novine Federacije BiH", broj 71/07).

B. POSEBNI DIO

1. NOTARSKI OBRAĐENE ISPRAVE

Određivanje nagrade prema vrijednosti predmeta

Tarifni broj 1.

- (1) Za obradu notarskih isprava i za obavljanje drugih notarskih poslova kod kojih je vrijednost predmeta poznata ili se može utvrditi, nagrada se određuje prema vrijednosti predmeta na koji se posao odnosi, osim ako ovom Tarifom nije drugačije određeno. Za određivanje vrijednosti mjerodavno je vrijeme notarske obrade isprave, odnosno vrijeme poduzimanja drugog notarskog posla.
- (2) Osnov za određivanje nagrade je stvarna prometna vrijednost stvari, koja je predmet notarske isprave bez odbitaka dugova.
- (3) Ako je predmet pravnog posla tražbina, uzima se samo glavna tražbina bez sporednih tražbina, kao što su kamata, ugovorna kazna, troškovi postupka i sl.
- (4) Iznimno, notar će odrediti tržišnu vrijednost kao osnovicu za obračun Tarife, bez obzira na vrijednost koju stranka ili drugi sudionici u poslu navedu kao vrijednost pravnog posla, ako tako navedena vrijednost ne odgovara prometnoj vrijednosti. Pri tome notar mora uzeti u obzir vrijednost stvari koja se postiže u uobičajenom pravnom prometu, uzimajući u obzir svojstva stvari i službeno poznate, odnosno pribavljene činjenice kao što su procjene nadležnog poreznog organa za tu ili slične stvari na tom području, podatke drugih organa uprave, cijene koje se za slične stvari postižu na javnoj licitaciji i sl.
- (5) Ako su predmet pravnog posla vrijednosni papiri koji kotiraju na berzi, osnov za određivanje nagrade izračunava se po berznom tečaju važećem na dan prije sklapanja pravnog posla.
- (6) Za sastavljanje notarski obrađene isprave, ako drugačije nije propisano u drugim tarifnim brojevima, notar je obavezan obračunati nagradu:
 - 1) koja s obzirom na vrijednost predmeta pravnog posla ili druge službene radnje iznosi:

Vrijednost predmeta		Nagrada u KM
Iznad KM	do KM	
0	5.000	200 KM
5.000	50.000	270 KM
50.000	100.000	350 KM

- 2) Pri vrijednosti predmeta pravnog posla ili druge službene radnje preko 100.000 KM, notar je, pored nagrade od 350 KM, obavezan obračunati i dodatnu nagradu od 50 KM za svakih započelih 100.000 KM u dijelu u kojem vrijednost predmeta službene radnje prelazi 100.000 KM, ali u iznosu ne većem od 2.000 KM.
- (7) Odredbe stava 6. ovog tarifnog broja, ako nije drugačije propisano, na odgovarajući način se primjenjuju i na obračun nagrade i naknade za službene radnje tarifirane u drugim odredbama ove Tarife.

Buduće činidbe i ugovori o zakupu

Tarifni broj 2.

- (1) Za notarsku obradu isprave koja za predmet ima pravo na buduće činidbe (davanja) koje se ponavljaju, nagrada notara odmjerava se prema vrijednosti svih činidbi za vrijeme ukupnog ugovornog razdoblja, ali najviše do iznosa koji odgovara zbiru vrijednosti tih činidbi za vrijeme od pet godina. Nagradu je notar obavezan obračunati na naznačenu osnovicu po tarifnom broju 1.
- (2) Za notarski obrađenu ispravu ugovora o zakupu ili podzakupu poslovnih prostorija odredit će se nagrada prema vrijednosti zakupnine za dogovoreni period, ali najviše za period od tri godine, a kod ugovora o zakupu ili podzakupu koji se odnose na stambene prostorije, garaže i dr. za period najviše od jedne godine. Nagradu je notar obavezan obračunati na naznačenu osnovicu po tarifnom broju 1.

Predugovori, aneksi, sporazumni raskidi ili opozivi pravnih poslova i drugi specifični pravni poslovi

Tarifni broj 3.

- (1) Za notarsku obradu ugovora o otkupu stana na kojem postoji stanarsko pravo notar je obavezan obračunati 50% nagrade po tarifnom broju 1, ali ne više od 200 KM.
- (2) Za notarsku obradu svih vrsta predugovora notar je obavezan obračunati 50% nagrade po tarifnom broju 1, ali ne više od 500 KM.
- (3) Za notarsku obradu aneksa notar je obavezan obračunati 50% nagrade po tarifnom broju 1 ili po nekom drugom tarifnom broju za određeni pravni posao na koji se odnosi aneks, ali ne više od 300 KM.
- (4) Za notarsku obradu sporazumnog raskida ili opoziva pravnog posla notar je obavezan obračunati 50% nagrade po tarifnom broju 1. ili po nekom drugom tarifnom broju za određeni pravni posao na koji se odnosi raskid ili opoziv, ali ne manje od 50 KM i ne više od 300 KM.

Punomoć i druge jednostrane izjave volje

Tarifni broj 4.

- (1) Za notarsku obradu punomoći za prodaju ili zalaganje nekretnina notar je obavezan obračunati nagradu u visini od 50 KM po jednom davaocu takve punomoći.
- (2) Za notarsku obradu svih vrsta punomoći i drugih jednostranih izjava volje koje nisu posebno tarifirane u drugim tarifnim brojevima ove Tarife, notar je obavezan obračunati nagradu u visini od 30 KM po jednom davaocu takve punomoći/izjave.

Ugovor o diobi

Tarifni broj 5.

- (1) Za notarsku obradu ugovora o diobi notar je obavezan obračunati nagradu u iznosu od 300 KM, ako

vrijednost predmeta posla ne prelazi iznos od 50.000 KM.

- (2) Ako vrijednost predmeta ugovora o diobi prelazi iznos od 50.000 KM, notar je obavezan nagradu obračunati prema tarifnom broju 1.
- (3) Odredbe stava 1. i 2. ovog tarifnog broja na odgovarajući način se primjenjuju i na obračun nagrade kod notarske obrade ugovora o podjeli (diobi) bračne stečevine i drugih sličnih pravnih poslova.
- (4) Kao osnova za određivanje nagrade za notarsku obradu pravnih poslova iz stava 1. do 3. ovog tarifnog broja obavezno se uzima vrijednost ukupne imovine koja je predmet pravnog posla o diobi.

Ugovor o razmjeni (zamjeni)

Tarifni broj 6.

- (1) Za notarsku obradu ugovora o razmjeni (zamjeni) notar je obavezan obračunati nagradu u iznosu od 300 KM, ako vrijednost predmeta posla ne prelazi iznos od 50.000 KM.
- (2) Ako vrijednost predmeta ugovora o razmjeni (zamjeni) prelazi iznos od 50.000 KM, notar je obavezan nagradu obračunati prema tarifnom broju 1.
- (3) Kao osnov za određivanje nagrade za notarsku obradu ugovora o razmjeni (zamjeni) obavezno se uzima vrijednost ukupne imovine koja je predmet tog ugovora.

Ugovor o zasnivanju hipoteke i založna izjava

Tarifni broj 7.

- (1) Za notarsku obradu ugovora o zasnivanju hipoteke ili založne izjave notar je obavezan obračunati nagradu po tarifnom broju 1. Istu nagradu notar je obavezan obračunati uz neku drugu propisanu nagradu u slučaju kada je ugovaranje hipoteke izvršeno kao dio nekog drugog pravnog posla ili uz neki drugi pravni posao u okviru jedne te iste notarski obrađene isprave.
- (2) Kao osnov za određivanje nagrade kod pravnog posla o zasnivanju hipoteke obavezno se uzima iznos tražbine koja se osigurava (iznos kredita, iznos zajma itd.), bez sporednih potraživanja kao što su kamata, troškovi postupka i sl.
- (3) Odredbe st. 1. do 2. ovog tarifnog broja, kao i druge odredbe ove Tarife, na odgovarajući način se primjenjuju i kod obračuna nagrade za notarski obrađenu ispravu koja za predmet ima zemljišni dug.

Služnosti i realni tereti

Tarifni broj 8.

- (1) Za notarsku obradu samostalnih pravnih poslova o zasnivanju stvarnih i ličnih služnosti te realnih tereta (kada zasnivanje služnosti i realnih tereta nije dio nekog drugog pravnog posla), notar je obavezan obračunati nagradu u iznosu od 200 KM.
- (2) Ako je zasnivanje služnosti ili realnog tereta dio nekog drugog pravnog posla ili uz neki drugi pravni posao u jednoj te istoj notarski obrađenoj ispravi, notar je uz nagradu za taj posao dužan obračunati i nagradu po svakoj služnosti ili po svakom realnom teretu u iznosu od 30 KM.

Bračni ugovori i porodičnopravni poslovi

Tarifni broj 9.

- (1) Za notarsku obradu bračnog ugovora notar je obavezan obračunati nagradu u iznosu od 300 KM, ako vrijednost imovine koja je predmet bračnog

- ugovora ne prelazi iznos od 50.000 KM ili se ne može odrediti vrijednost imovine.
- (2) Ako vrijednost predmeta bračnog ugovora prelazi iznos od 50.000 KM, notar je obavezan obračunati nagradu po tarifnom broju 1.
 - (3) Kao osnovica za obračun nagrade za notarsku obradu bračnog ugovora obavezno se uzima vrijednost imovine obiju ugovornih strana koja je predmet tog ugovora.
 - (4) Za notarsku obradu izjave o priznanju materinstva ili očinstva i o pristanku majke na priznanje očinstva notar je obavezan obračunati nagradu u iznosu od 70 KM.
 - (5) Za notarsku obradu sporazuma roditelja o visini odnosno povišenju doprinosa za izdržavanje djeteta ili za notarsku obradu takvog sporazuma između drugih lica koja imaju pravo na izdržavanje, notar je obavezan obračunati nagradu prema vrijednosti jednogodišnjeg iznosa doprinosa za izdržavanje. Nagrada se obračunava po tarifnom broju 1., ali ne više od 250 KM.

Nasljednopravni poslovi

Tarifni broj 10.

- (1) Za notarsku obradu testamenta ili isprave o zakonom dopuštenom ugovoru o nasljeđivanju (ugovor o međusobnom nasljeđivanju bračnih drugova), notar je obavezan obračunati nagradu u iznosu od 150 KM, ako vrijednost imovine kojom se raspolaze ne prelazi iznos od 50.000 KM.
- (2) Za notarsku obradu ugovora o doživotnom izdržavanju ili ugovora (sporazuma) o ustupanju i raspodjeli imovine za života notar je obavezan obračunati nagradu u iznosu od 300 KM, ako vrijednost imovine kojom se raspolaze ne prelazi iznos od 50.000 KM.
- (3) Ako vrijednost predmeta pravnih poslova iz stava 1. i 2. ovog tarifnog broja prelazi iznos od 50.000 KM, notar je obavezan obračunati nagradu po tarifnom broju 1.
- (4) Kao osnovica za obračun nagrade iz st. 1. do 3. ovog tarifnog broja uzima se vrijednost ukupne imovine koja je predmet raspolaganja, s tim da je za određivanje vrijednosti takve imovine mjerodavno vrijeme poduzimanja notarskog posla.
- (5) Za notarsku obradu sporazuma pretka i potomka o odricanju od nasljedstva koje nije otvoreno notar je obavezan obračunati nagradu u iznosu od 150 KM.
- (6) Za notarsku obradu nasljedničke izjave notar je obavezan obračunati nagradu u iznosu od 30 KM po jednom davaocu nasljedničke izjave.
- (7) Za notarsku obradu punomoći za zastupanje u ostavinskom postupku koja sadrži nasljedničku izjavu, notar je obavezan obračunati nagradu u iznosu od 50 KM po jednom davaocu punomoći.

Privredni ugovori

Tarifni broj 11.

- (1) Za notarske obrade privrednih ugovora notar je obavezan obračunati nagradu u iznosu od 250 KM, ako vrijednost predmeta ugovora ne prelazi iznos od 50.000 KM ili se ne može odrediti vrijednost, odnosno u kojima nije određena vrijednost predmeta ugovora.

- (2) Ako vrijednost predmeta pravnih poslova iz stava 1. ovog tarifnog broja prelazi iznos od 50.000 KM, notar je obavezan obračunati nagradu po tarifnom broju 1.
- (3) Kao osnov za određivanje nagrade kod privrednih ugovora obavezno se uzima vrijednost predmeta određena u ugovoru.

Notarski poslovi u vezi sa privrednim društvima, ustanovama, zadrugama i drugim pravnim licima

Tarifni broj 12.

- (1) Za notarsku obradu osnivačkih akata i statuta privrednih društava notar je obavezan obračunati nagradu prema vrijednosti osnovnog kapitala i to: nagradu u iznosu od 300 KM, ako iznos osnovnog kapitala ne prelazi iznos od 50.000 KM ili ako se radi o osnivanju privrednog društva i njegovom statutu za čije osnivanje nije potreban, odnosno ne unosi se osnovni kapital.
- (2) Ako vrijednost osnovnog kapitala u osnivačkom aktu prelazi iznos od 50.000 KM, notar je obavezan obračunati nagradu po tarifnom broju 1.
- (3) Nagradu u skladu sa st. 1. i 2. ovog tarifnog broja notar je obavezan obračunati i za notarsku obradu isprave o preimenovanju osnivačkog akta zbog smanjenja ili povećanja broja osnivača ili iz drugih razloga.
- (4) Za notarsku ispravu koja ima za predmet utvrđivanje/potvrdu statuta privrednog društva, notar je obavezan obračunati nagradu prema vrijednosti osnovog kapitala po tarifnom broju 1, ali najviše 600 KM.
- (5) Za svaku notarski obrađenu ispravu u postupku statusnih promjena privrednog društva (podjela, pripajanje ili spajanje), nagrada se određuje po tarifnom broju 1, a najviše 250 KM po svakoj ispravi. Kod isprava o navednim statusnim promjenama privrednih društava, osnov za određivanje nagrade je ukupna vrijednost osnovnog kapitala svih društava kao učesnika statusne promjene.
- (6) Za notarsku obradu isprave kojom se mijenjaju članski udjeli, odnosno smanjuje ili povećava osnovni kapital, kao i za notarsku obradu isprave o istupanju odnosno pristupanju člana društva (prenos udjela), nagrada se određuje po tarifnom broju 1, a najviše 800 KM. Kao osnovica za obračun nagrade kod prijenosa udjela u privrednom društvu mjerodavna je vrijednost prenesenog udjela ako je viša od protučinidbe, a ako je niža, mjerodavna je vrijednost protučinidbe, a kod izmjene osnovnog kapitala mjerodavna je vrijednost izmijenjenog osnovnog kapitala.
- (7) Za notarsku obradu izmjena osnivačkih akata, uključujući i odluke o izmjeni ostalih podataka od značaja za pravni promet (promjena sjedišta, promjena naziva firme, promjena i usklađivanje djelatnosti i sl., osim poslova, odnosno isprava iz stava 6. ovog tarifnog broja) na osnovu kojih se vrši izmjena osnivačkog akta, notar je obavezan obračunati jednu nagradu u iznosu od 250 KM.
- (8) Za notarsku ispravu koja za predmet ima izmjenu statuta, uključujući i odluke o izmjeni ostalih podataka od značaja za pravni promet (promjena sjedišta, promjena naziva firme, promjena i usklađivanje djelatnosti i sl., osim poslova iz stava 6. ovog tarifnog broja) na osnovu kojih se vrši izmjena statuta, notar je obavezan obračunati jednu nagradu u iznosu od 250 KM.

- (9) Za notarsku ispravu koja za predmet ima imenovanje i razrješenje direktora ili drugog člana uprave, članova nadzornog odbora ili druge promjene podataka od značaja za pravni promet koje ne zahtijevaju izmjenu osnivačkog akta ili statuta, notar je obavezan obračunati nagradu u iznosu od 175 KM.
- (10) Za sastavljanje notarske isprave o osnivanju podružnice ili o izmjeni tog akta notar je obavezan obračunati nagradu u iznosu od 175 KM.
- (11) Za prisustvovanje notara na skupštini ili na sjednici drugog organa privrednog društva, a na kojoj notar prisustvuje radi usvajanja isprava iz stava 1. do 10. ovog tarifnog broja, notar je obavezan obračunati pored nagrade iz stava 1. do 10. ovog tarifnog broja i dodatnu nagradu koju je uključena i izrada zapisnika, od 250 KM za prisustvovanje sjednicama svih organa društava osim skupštine dioničkog društva, a 400 KM za prisustvovanje sjednici skupštine dioničkog društva. Ako notar prisustvuje sjednici organa društava van notarskog ureda, dužan je obračunati dodatnu nagradu u iznosu od 50 KM za svaki započeti sat.
- (12) Odredbe stava 1. do 11. ovog tarifnog broja na odgovarajući način se primjenjuju i za notarske akte i druge službene radnje koje se odnose na druga pravna lica.

2. POTVRDE I OVJERE

Ovjera fotokopija ili prijepisa

Tarifni broj 13.

- (1) Za ovjeru jedne fotokopije ili prijepisa jedne isprave koja ima do dvije stranice, notar je obavezan obračunati nagradu u iznosu od 4 KM, a kojom nagradom je obuhvaćena i naknada uredskih troškova u vezi sa izradom i ovjerom prepisa.
- (2) Ako se jedna isprava sastoji od tri ili više stranica, pored nagrade iz stava 1. ovog tarifnog broja, notar je obavezan obračunati i dodatnu nagradu od 1 KM po svakoj stranici za treću i svaku daljnju stranicu ovjerene fotokopije ili prijepisa, a kojom nagradom je obuhvaćena i naknada uredskih troškova u vezi sa izradom i ovjerom prepisa.
- (3) Za ovjeru jedne fotokopije ili prijepisa jednog rješenja o upisu u registar poslovnih subjekata ili izvoda iz tog registra, notar je obavezan obračunati nagradu u iznosu od 8 KM, bez obzira na broj stranica, a kojom nagradom je obuhvaćena i naknada uredskih troškova u vezi sa izradom i ovjerom prepisa.

Ovjera izvoda iz poslovnih knjiga

Tarifni broj 14.

Ovjera izvoda iz trgovačkih i poslovnih knjiga naplaćuje se 5 KM po stranici.

Ovjera potpisa

Tarifni broj 15.

- (1) Ako šta drugo ovom Tarifom nije određeno, za ovjeru jednog potpisa ili rukoznaka jednog fizičkog lica na jednom primjerku isprave notar je obavezan obračunati nagradu u iznosu od 4 KM.
- (2) Za ovjeru jednog potpisa ili rukoznaka zastupnika pravnog lica ili nosioca samostalne djelatnosti na jednom primjerku bilo koje isprave notar je obavezan obračunati nagradu u iznosu od 10 KM.
- (3) Za ovjeru jednog potpisa ili rukoznaka jednog fizičkog lica na jednom primjerku: isprave o dvostranom pravnom poslu (ugovori, sporazumi itd.), zatim isprave o mjeničnoj izjavi, isprave o brisovnoj

dozvoli, isprave potrebne za registraciju osnivanja pravnih lica u sudskom ili drugom javnom registru i za registraciju odgovarajućih promjena podataka u tim registrima i sl.) notar je obavezan obračunati nagradu u iznosu od 10 KM.

- (4) Nagradom iz stava 1., 2. i 3. ovog tarifnog broja obuhvaćena je i: nagrada za učešće svjedoka i tumača; nagrada za čitanje isprave od strane notara kada je stranka slijepa ili nepismena te naknada uredskih troškova za ovjeru potpisa na ispravi.

Potvrda o vremenu kada je pismeno predočeno

Tarifni broj 16.

Za potvrdu o vremenu kada mu je pismeno predočeno, odredit će se nagrada od 10 KM.

Potvrda o životu neke osobe

Tarifni broj 17.

Za potvrdu o životu neke osobe, odredit će se nagrada od 25 KM.

Potvrde o činjenicama iz javnog registra i izdavanje izvoda iz javnih registara elektronskim putem u skladu sa propisima

Tarifni broj 18.

- (1) Za izdavanje potvrde o činjenicama iz javnih registara notar je obavezan obračunati nagradu od 15 KM, kada tu potvrdu notar izdaje na osnovu uvida u ovjereni izvod iz javnog registra koji mu je stranka predočila.
- (2) Za radnje iz stava 1. ovog tarifnog broja, pored nagrade iz tog stava notaru pripada i dopunska nagrada koju je obavezan obračunati prema utrošenom vremenu ako tu potvrdu izdaje na osnovu prethodno izvršenog fizičkog uvida u registar. Ova dopunska nagrada pokriva vrijeme putovanja i vrijeme potrebno za prikupljanje podataka.
- (3) Za izdavanje izvoda iz javnog registra koji notar izda elektronskim putem u skladu sa propisima, notar je obavezan obračunati nagradu 10 KM po svakom izvodu. Ova nagrada ne obuhvata troškove sudskih i administrativnih taksi te druge naknade koje je notar dužan platiti po osnovu elektronske komunikacije sa javnim registrima.
- (4) Ako izvod koji notar izdaje u skladu sa stavom 3. ovog tarifnog broja sadrži više od 2 stranice, notar je pored nagrade iz stava 3. ovog tarifnog broja obavezan obračunati i dodatnu nagradu u iznosu od po 1 KM za treću i svaku sljedeću stranicu izvoda.

Potvrda drugih činjenica

Tarifni broj 19.

- (1) Za potvrđivanje drugih činjenica, uključujući sastavljanje zapisnika, notar je obavezan obračunati nagradu od 100 KM, uvećanu za utrošeno vrijeme njegovog prisustva preko dva sata i to za svaki započeti treći i daljnji sat po 50 KM.
- (2) U slučaju da se posao iz stava 1. ovog tarifnog broja vrši izvan notarskog ureda notar je obavezan pored nagrade iz stava 1. ovog tarifnog broja obračunati i dodatnu nagradu u iznosu od 50 KM za svaki započeti sat izbjivanja iz notarskog ureda.

3. DEPOZIT

Preuzimanje, čuvanje i predaja novca, vrijednosnih papira, dragocjenosti i isprava

Tarifni broj 20.

- (1) Za preuzimanje, čuvanje i predaju gotovog novca, uključujući i novac koji se uplaćuje na povjerenički račun notara za druge osobe, i vrijednosnih papira, uključujući i sastavljanje isprave o tome, a u skladu sa Zakonom o notarima i Pravilnikom o radu notara ("Službene novine Federacije BiH", broj 13/09), notar je obavezan obračunati nagradu u iznosu od 0.5% vrijednosti, s tim da iznos te nagrade ne može biti manji od 100 KM niti veći od 600 KM.
- (2) Nagrada se plaća za svaku godinu unaprijed, a započeta godina računa se kao cijela.
- (3) Ako se vrijednost stvari iz stava 1. ovog tarifnog broja ne može procijeniti po njihovoj prirodi, izvršiće se procjena od strane vještaka na trošak deponenta.
- (4) Za preuzimanje isprava na čuvanje i sastavljanje notarskog zapisnika o preuzimanju isprave notar je dužan obračunati nagradu u iznosu od 200 KM za jednu ispravu bez obzira na vrijeme čuvanja. Naznačena nagrada obuhvata sve radnje koje notar može preduzeti u vezi sa čuvanjem i predajom isprave.

4. NAGRADA PREMA UTROŠENOM VREMENU

Nagrade određene prema utrošenom vremenu

Tarifni broj 21.

- (1) Kada se nagrada za obavljani notarski posao ne može ni na koji način odrediti prema vrijednosti predmeta (nema vrijednosti) niti je određena u stalnom iznosu, odredit će se prema utrošenom vremenu.
- (2) Pri određivanju vremena potrebnog za pojedinačni notarski posao, pored vremena koje je potrebno za sastavljanje notarske isprave ili za drugi notarski posao, uzima se u obzir i vrijeme koje je notar utrošio za savjetovanje sa strankom i drugim sudionicima, vrijeme za druge pripremne poslove notara i vrijeme odsustvovanja iz ureda, ako se posao obavlja izvan notarskog ureda.
- (3) Nagradu prema utrošenom vremenu, ako što drugo ovom Tarifom nije određeno, notar je obavezan obračunati u iznosu od 50 KM za svaki započeti sat rada.

5. OSTALE NAGRADE U STALNOM (FIKSNOM)

IZNOSU

Zemljišnoknjižni prijedlozi i sačinjavanje prijave za upis u registar poslovnih subjekata

Tarifni broj 22.

Nagrade u stalnom (fiksno) iznosu, pored onih propisanih u drugim tarifnim brojevima ove Tarife, notar je obavezan obračunati i za sljedeće notarske poslove:

1. Nagrada za sastavljanje zemljišnoknjižnog prijedloga, iznosi:
 - za sastavljanje prijedloga za predbilježbu i zabilježbu iznosi 20 KM,
 - za sastavljanje prijedloga za uknjižbu iznosi 40 KM.
2. Nagrada za sastavljanje prijave sudskom registru za upis osnivanja privrednih društava u registar poslovnih subjekata, kao i za upis promjene podataka bitnih za pravni promet iznosi 100 KM.

Izdavanje ponovnih otpravaka i ovjerenih prijepisa notarske isprave, otpravka u svrhu izvršenja i drugi poslovi

Tarifni broj 23.

Nagrade u stalnom (fiksno) iznosu, pored onih propisanih u drugim tarifnim brojevima ove Tarife, notar je obavezan obračunati i za sljedeće notarske poslove:

1. za izdavanje ponovnog otpravka i ovjerenog prijepisa notarske isprave u iznosu od 20 KM za jedan ponovni otpravak odnosno ovjereni prijepis.
2. za dozvolu da se izvrši uvid u izvornik jedne notarske isprave u iznosu od 20 KM.
3. za izdavanje potvrde o postojanju izvornika jedne notarske isprave u iznosu od 20 KM.
4. za izdavanje otpravka izvornika u svrhu izvršenja u iznosu od 80 KM.

6. DRUGI POSLOVI (NACRTI, DAVANJE SAVJETA, PODNOŠENJE ZAHTEJEVA ZA UPIS I DRUGI POSLOVI) Nezavršen posao i davanje savjeta

Tarifni broj 24.

- (1) Ako notar na traženje stranke sačini nacrt neke isprave, a taj nacrt se ne pretvori u notarsku ispravu, notaru pripada 50% osnovne nagrade (bez dodatnih nagrada) predviđene za notarsku obradu.
- (2) Ako stranka nakon dogovora o izradi notarske isprave odustane, a notar sačini tekst/nacrt isprave koji se zbog odustanka stranke ne pretvori u notarsku ispravu, notaru pripada osnovna nagrada (bez dodatnih nagrada) u iznosu od 50% nagrade predviđene za notarsku ispravu.
- (3) Notar nema pravo na nagradu za savjete koje daje u pripremi ili u vezi s glavnim poslom za koji naplaćuje nagradu.
- (4) Notar ima pravo na nagradu za savjete koje daje na zahtjev stranaka u svim drugim slučajevima mimo stava 3. ovog člana i to u visini do 200 KM, u ovisnosti od vrijednosti predmeta kojeg se savjetovanje tiče, potrošenog vremena i mjesta te načina poduzimanja radnje savjetovanja (usmeni ili pisani savjet).
- (5) Ako notar u roku od godinu dana izvrši obradu isprave na osnovu nacrtu koji je on sačinio prema st. 1. i 2. ovog člana ili ako na osnovu savjetovanja prema stavu 4. ovog člana izvrši notarsku obradu isprave, u nagradu za notarsku obradu isprave se uračunava (odbija) nagrada plaćena za izradu nacrtu odnosno savjetovanja.

Podnošenje zahtjeva/prijave za upis u javni registar

Tarifni broj 25.

- (1) Za podnošenje zahtjeva/prijave putem fizičkog pristupa javnom registru, a koje podnošenje notar preduzme na osnovu ovlaštenja stranke u svrhu realizacije pravnog posla iz notarske isprave koju je sačinio, notar je obavezan obračunati nagradu prema utrošenom vremenu i to za svaki započeti sat iznos od 50 KM.
- (2) Za podnošenje zahtjeva/prijave elektronskim putem javnom registru, a koje notar preduzme u skladu sa propisima na osnovu ovlaštenja stranke ili kada je to propisano u svrhu realizacije pravnog posla iz notarske isprave koju je sačinio, notar je obavezan obračunati nagradu u iznosu od 20 KM.
- (3) Nagrada iz st. 1. i 2. ovog tarifnog broja ne obuhvata troškove putovanja, troškove sudskih i administrativnih taksi, te druge naknade koje je notar dužan platiti

po osnovu elektronske i druge komunikacije sa javnim registrima.

Notarski poslovi koji nisu opisani u posebnom dijelu ove Tarife

Tarifni broj 26.

Notarski poslovi koji nisu opisani u posebnom dijelu ove Tarife vrednuju se uspoređivanjem sličnih poslova čija je vrijednost ocijenjena u posebnom dijelu Tarife. Pri vrednovanju uzimaju se u obzir tarifne stavke za slične radnje i utrošeno vrijeme, te odredbe općeg dijela Tarife.

7. DODATNE NAGRADE I IZUZECI OD PRIMJENE TARIFE U PUNOM IZNOSU

Povećanje nagrade

Tarifni broj 27.

- (1) Za posao koji notar na zahtjev stranke ili iz opravdanih razloga obavi izvan radnog vremena propisanog odlukom nadležnog organa ili neradnim danima, notar je obavezan obračunati dodatnu nagradu u iznosu od 50 KM za svaki započeti sat takvog angažmana, ali ne više od 200 KM.
- (2) Za posao koji na zahtjev stranke obavi izvan notarskog ureda, notar je obavezan obračunati dodatnu nagradu zbog izbjivanja iz ureda u visini od 25 KM za svakih započelih pola sata izbjivanja iz ureda, ukoliko drukčije nije određeno ovom Tarifom.
- (3) Ako notar posao poduzima izvan radnog vremena i izvan ureda, dužan je obračunati obje nagrade prema stavu 1. i 2. ovog člana.
- (4) Ako su u notarski obrađenoj ispravi, lično ili putem punomoćnika/zastupnika navedena više od dva lica-učesnika (stranke, svjedoci, tumači, vještaci, bračni partneri, lica koja daju odobrenje itd.), notar je obavezan obračunati dodatnu nagradu od 20 KM po svakom takvom licu, s tim da se dva svjedoka imaju kod obračuna računati kao jedno lice.
- (5) Za notarsku obradu svih pravnih poslova kod kojih sudjeluje pravna osoba ili fizička osoba koja obavlja samostalnu registriranu djelatnost, odredit će se dodatna nagrada u visini od 15 KM po svakoj takvoj stranci.

Izuzeci od primjene tarife u punom iznosu

Tarifni broj 28.

Upravni odbor Notarske komore je ovlašten u opravdanim slučajevima svojim aktom koji je obavezujući za sve notare propisati izuzetke od primjene Tarife u punom iznosu, ali smanjenje nagrade ne može biti više od 25%.

8. NAKNADA TROŠKOVA

Naknada troškova

Tarifni broj 29.

Ako šta drugo ovom Tarifom nije određeno, notar ima pravo i dužnost obračunati naknadu troškova i to:

1. Za izradu otpravaka, ovjerenih prijepisa i prijepisa notarskog izvornika i priloga, notar je dužan obračunati naknadu u iznosu od 0,50 KM po jednoj stranici.
2. Stranka je dužna notar nadoknaditi sudske i administrativne takse, nagrade za vještačenje, procjene, izdatke za čuvanje stvari, troškove elektronskog pristupa i komunikacije sa javnim registrima, te sve druge nužne troškove vezane za obavljanje notarskih poslova.
3. Stranka je dužna nadoknaditi notar izdatke za poštanske, telefonske i telefaks usluge, obrasce, bankovne poslove uključujući i troškove povjereničkog

računa, fotokopiranje dokumentacije, osim ako za troškove fotokopiranja nije šta drugo određeno ovom Tarifom i druge izdatke. Te izdatke notar obračunava samo u stvarnoj visini ili prema drugim parametrima uz saglasnost stranaka.

4. Notar ima pravo na naknadu troškova prijevoza, ako su ti troškovi povezani sa obavljanjem notarskih poslova. Troškovi prijevoza pripadaju notar u visini cijene avionske karte ili drugog prijevoznog sredstva koje koristi. Za uporabu vlastitog automobila, notar pripada naknada od 20% važeće cijene najkvalitetnijeg benzina za jedan litar za svaki pređeni kilometar, pri čemu se uzima cijena na dan izdavanja fakture.
5. Ako mora ostati na putu izvan službenog sjedišta duže od osam sati ili mora prenočiti u hotelu, notar ima pravo na naplatu dnevnice i troškova hotelskog smještaja. Dnevnic se obračunava u visini dnevnice suca Kantonalnog suda na području gdje se nalazi notarski ured.

Broj 02-49-2503/13
16. jula/srpnja 2013. godine

Ministar
Zoran Mikulić, s. r.

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

1260

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), odredbi Odluke o načinu obrazovanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovodilaca federalnih organa državne službe ("Službene novine Federacije BiH", broj 14/11), a u vezi sa članom 48. Pravilnika o unutrašnjoj organizaciji Federalnog ministarstva poljoprivrede, vodoprivrede i šumarstva broj 01-02/1-1823/13 od 04.07.2013. godine, federalni ministar poljoprivrede, vodoprivrede i šumarstva, donosi

RJEŠENJE

I

Imenuje se Komisija za ostale vrste podrški u slijedećem sastavu:

- 1) Sandra Redžepović - predsjednica
- 2) Hanefija Topuz - član
- 3) Ana Bašić - spoljni saradnik
- 4) Krešimir Lozančić, administrativno-tehničko lice

II

Zadatak Komisije iz tačke I ovog rješenja je razmotriti zahtjeve korisnika za ostvarivanje prava na novčane podrške, zapisnički konstatovati njihovu opravdanost/prihvatljivost ili neopravdanost/neprihvatljivost, te predložiti federalnom ministru donošenje rješenja za svaki pojedinačni zahtjev. Ostale vrste podrški obuhvataju podrške provođenju mjera koje se odnose na: sufinansiranje premije osiguranja, sufinansiranje međunarodnih projekata i članstvo u međunarodnim organizacijama i finansiranje drugih zakonskih obaveza od značaja za Federaciju Bosne i Hercegovine, finansiranje i sufinansiranje stručnih projekata iz oblasti zaštite zdravlja bilja i sufinansiranje učešća na privrednim manifestacijama, certificiranje, mjere podrške (podrška ulaska domaćih proizvođača u trgovačke centre i Veterinarskom institutu, mjere poticaja prodaje, potrošnje i posebne interventne mjere), Strategija, operativni programi i stručni projekti.